

八瓊室金石補正續編

知唐縣事白君等題名

高一尺五分廣一尺七寸三分十一行行字不一字徑八分正
書右有紫甯二年徐澤題名在唐縣法界寺塔門二層石上

本縣諸司手分邛化 賈賢李永張俊田一賈思賈元曹因

盧儀王嵩

錄事司邛銓都押常固書手申江安翌張補 倉草酒務

攢造人牛永

承務郎行唐縣尉張

將仕郎守唐縣主簿成

左班殿直唐縣管界巡檢燕

左侍禁監唐縣酒稅張

西京左藏庫副使定州管界都巡檢使董

給事郎守太常博士知唐縣事騎都尉白

大宋治平三年四月八日

附徐澤等題名

在前刻之右三行行九字
十字字徑分正書左行

徐澤志行崔汝嘉聖美蔡穀允元同登中山寺塔

崇寧二年九月廿四日識

三司推勘公事張奕墓誌銘

銘二尺八寸五分廣二尺二十行行三十八字字徑六分正書在無錫恒善堂

宋故朝奉郎太常博士三司推勘公事騎都尉賜緋魚袋張君墓誌銘并序

淮南江浙荆湖南北路制置茶鹽礬酒稅兼都大發運使
提舉逐路巡檢兵甲及都大提點鑄錢等公事朝散大夫
右諫議大夫護軍扶風縣開國男食邑三百戶馬仲甫

撰文

淮南江浙荆湖南北路制置茶鹽礬酒稅兼都大發運使
使提舉逐路巡檢兵甲及都大提點鑄錢等公事朝奉郎

尚書工部郎中充祕閣校理上騎都尉賜緋魚袋借紫張
翥 篆蓋

朝奉郎守尚書屯田郎中通判楊州軍州兼管內勸農事
輕車都尉賜緋魚袋呂希道 書丹

嘉祐中三司使蔡公方大振職事飭僚屬乃表 著作佐郎
張君子朝以為推勘公事而君以稱職聞居三年治平丙午
五月十六日疾卒其孤中行以其喪歸常州無錫縣卜十月
初三日甲申將葬于景雲鄉恩潭里之先塋且請銘於子予
守台州時君實為從事予固知君者也乃序而銘之

君諱奕字源明常州無錫人曾祖諱卓祖諱漢源父諱瑩贈

大理評事母陳氏追封仙遊縣太君湯氏封昌縣太君君起
家舉進士擢乙科歷太平台洪三州之從事改著作佐郎在
三司遷祕書丞太常博士君敏博而有文其在鄉里以行義
稱及出而仕尤長於時務遇事不苟思欲冥諸理而後已台
有大水隄防繕完之智出於倉卒民卒賴以安甯君力焉郡
人張希房尚幼君視其材可教收而授之以學問孜孜焉若
已之乎後果擢進士第洪之屬邑有以縱火民家因上于州
有司議弃市君獨疑曰是可死邪請自案獄果得所以未盡
之狀而因論得免吏以誣服京師大衆之地獄訟之夥獨天
府與三司焉而三司又括天下之賦入凡諸道之務巨細悉

開決之故事物之機會人情之姦利日以至者蓋百計顧非
明且恕者處之則幾不能無刑法之濫君矯枉去弊多所辨
正其陰施在人深矣予聞善惡不虛其報君雖不克身享之
安知不在其後乎君享年五十有五娶朱氏封仁和縣君二
子中行其長也舉進士次梁卿始三歲後君十五日而卒三
女長適鄉人陳充先君卒次適進士李穀次尚幼銘曰

士之有志 艱乎得時 時之既得 若將可為

乃不永年 天□奪之 謂天與善 則予不知

右宋朝奉郎太常博士三司推勘公事張奕墓誌銘馬仲
甫撰文張芻篆蓋呂希道書丹序云嘉祐中三司使蔡公

表著作佐郎張君於朝以為三司推勘公事居三年治平
丙午五月十六日疾卒其孤中行以其喪歸塋常州無錫
縣按塵史選人磨勘者進士出身為著作佐郎餘人為大
理寺丞謂之京官職官志三司推勘公事以京朝官充亦
以進士為著作佐郎以佐郎任推勘與史志塵史俱合李
燾長編嘉祐六年置三司推勘公事一人治平三年正月
罷罷後四月奕始卒故序不言卒於官曰歸蓋者奕解職
後以朝請留京師也塵史祕書丞以上曰升朝官始奉朝
請曲項舊聞元豐以前二府侍從有薄罪猶以本官歸班
朝請則無罪去官者可知奕此時蓋以太常博士歸班博

士寄祿官也不治事奉朝請而已誌云君舉進士乙科歷
太平台洪三州從事台郡人張希房尚幼君視其材可教
收而授之以學後果擢進士第按赤城志張希房臨海人
舉嘉祐八年進士終金壇縣主簿而馬仲甫守台在皇祐
三四年矣自太平移台遂為仲甫從事其舉進士當在皇
祐前為推勘則在嘉祐六年蔡襄為三司使後宋初三司
歸計省而英宗謂呂公弼曰蔡襄主計訴訟不以時決則
知兼掌刑獄故誌云京師獄訟之夥惟天府與三司也撰
書人惟馬仲甫宋史有傳張希房鄞人皓孫父名牧見李燾
長編呂希道為文靖之孫見王珪所撰呂公綽墓誌銘東

坡集有贈呂希道知和州詩施注載其仕履尤詳此誌光
緒二十年正月十七日羊膏灣農人鋤土得之其地今分
隸金匱縣猶稱景雲鄉恩韋里與誌同表廷梁跋

重修南海廟碑

高連額八尺餘下截殘泐廣四尺二寸二十八
行行四十九字字徑一寸二分正書在南海

重修南海廟碑

篆額橫列六字
字徑七寸餘

重修南海廟碑

敷遣黃迪篆 江都曹隱書 武岡章望之撰

天下之國蕃夷皆小中國之九州為大然而海暈於九州中
國之民受天地中和之氣故其為與禮義同□□亦智初而
人窮其數地厚矣而人探其變舶海之人不一而莫能知其
所瀆潮汐之往來有期而莫能究其所發以海外之不初與
天地同其大其生育祕異無有竭然則其神之所尸威靈豈

不盛哉望祀山川之禮權輿於虞書夏商周悉嚴四望則
壇初祭不先日月星辰之位爾它神莫之與隆及郊上帝大
雩大禘又列享之後之世復即鎮海濱之所廟而祭初悉
具存凡茲廟制咸有殿堂像其神南面而坐爵號為王公神
之冠服禮如其名令其風流緒狀有儼然前初之初土以為
壇每歲五郊迎氣之日節以其方修其時享其為祭之具祭
官及在位者詔奠拜興鈞從事於壇尸殿像而無初用以古
法是供而無降神之樂禮之變豈一邪南海神祠舊隸廣州
之域在今扶胥鎮之西日東南道水陸之行里鈞八十初
神曰洪聖廣利昭順王立夏之節

天子前期致祝冊文命郡縣官以時謹祀事犧牲器幣務從
法式固或不恭典刑其臨汝今之守是邦者常節制一道曰
經略安撫使兼治州焉其馭事大其統地侈

朝廷必擇

望人爲之位既高矣往往懈於事神失虔

上意故海

久之海葺先時此民與海中蕃夷四方之商賈雜居焉皇祐
中廣源州蠻來爲寇民之被殺之餘流散逮盡後雖歸懷無
復昔海之饒海及是嘉祐七年秋風雨調若五穀豐實人無
疫癘海無颶風九縣旁十有五州無盜賊之侵民相與語曰
茲吾府師海召亦南海大神之賜遂入謁府廷曰海祠額敗
願輸吾貨新之用以荅神嘉公曰是吾心也不言吾且有命

乃□□之

初

之屋三百餘間宜革者舉新之九月興役明年

五月事既府命縣曰其以牲酒告成于神府師者誰尚書左
丞集賢院學士□公也公生始興尤熟南俗嘗破廣源之寇
又嘗爲師桂林又嘗以安撫使蒞之廣桂一體也其恩德固
已浸濡此邦矣下車之日自承風故令易孚而和氣易洽至
其它美甚多非廟文所宜及望之引避

朝命南游羅浮

山因公之寬裕宜人知公之虔宜神因通廟下稽首海德作
詩遺兩人歌之詩曰伊神孔碩司海于南柯伯之元徽祇之
參誕惟厥靈□□不揜德□孚民民依以瞻惟海洋洋允敷
無外川谷攸同天地攸賴哀惟時大蠶天爲對育物之無名

兮其神宜爾無盈兮古之□□以時望祀肇廟其旁越在後
世冊以王爵袞冕有偉介珪是瑞太牢是犧嘉祐名元新宮
既續惟斯民之力惟令之職惟元侯之德惟元侯之德由

大君錫神休其無斁章章自治平四年十月一日立

上空廿五格

屯田員外郎前知番禺縣鄧中立重修

屯田員外郎前知番禺

屯田員外郎知番禺□□謝伯初

上空十六格

朝奉郎守尚書職方員外郎通判軍州兼管勾市舶

司騎都尉賜緋

朝奉郎守尚書都官郎中通判軍州兼管勾市舶司

輕車都尉賜緋魚袋

初

龍圖閣直學士朝奉大夫尚書兵部侍郎知廣州廣南東
路兵馬都鈐轄本路經略安撫使上柱國賜紫金口袋呂

□□

立

初

始建五嶽廟記

高三尺廣一尺五寸五分記六行行二十一字
題名四行行字不一字徑一寸正書在壁都

定州望都縣始初建立

五嶽廟維那人記

伏爲熙寧戊申歲秋七月連旬□雨□三丈大水泛溢復

加地震累月不息衆有願心如復安靜特建

五嶽至誠恭肅而後應祈造是祠焉凡費錢一千五百萬

有餘率皆樂而輸也具施者姓名列之後

都押司劉起

錄事司程丙

手分寶亮師高□仝潘恕劉賢劉□杜□張□張晟花

□

書手張廷臧□劉維潘仙

廟司李□

韓魏公狎鷗亭詩

高二尺三寸五分廣二尺七寸二分八
行行七字字徑三寸三分正書在安陽

亭壓東池復壞基園林須喜主人歸
總棠猶茂應存愛植柳堪驚僅過圍
魚泳藻閒諸物性月沈波底發禪機
羣鷗只在輕舟畔知我無心自不飛

案安陽集此詩序於戊申即熙甯元年也書勢雄逸獨出
規撫魯公而絕其迹皇宋書錄引書史云韓忠獻公好顏
書士俗皆學顏書其為當時所傾慕已如此

安陽縣金石錄

安陽金石錄載此詩詠誤游

韓恬墓誌銘

高一尺七寸廣一尺九寸五分二十五行行二十十字字徑七分正書在安陽水冶鎮孝親寺

宋故祕書省校書郎韓恬墓誌銘并序

叔祖淮南節度使司徒兼侍中魏國公琦撰

恬字安之余姪殿中丞公彥之第三子母仁壽縣君張氏幼
雋邁喜學讀書強記而為文辯速余嘗較公彥諸子謂恬它
日必能先取科第以才名自立嘗求補試國子監生程文中
等俄丁父憂未幾其仲兄愷與二妹繼亡恬與母張氏益大
悲駭不能自囿余遇嘉祐明堂恩亟先奏恬得祕書
省校書郎及為娶職方郎中董之邵之女且以慰其母惻獨

之心張氏喜甚屢泣以誠恬令益自修飭以報恩鞠之厚已而張氏復感疾議歸鄉里冀得移其故窆而遂平愈八年春不幸疾久卒不起恬既併罹酷罰夙夜號慟幾以殞絕猶能手疏母之行實請余為其墓銘終以哀毀之過其年十二月二十一日亦卒時年二十二女二人長曰壽女次曰安女並幼後恬服除董氏以無男子歸其父家壽女者熙寧初元又不育嗚呼禍譽之來未有如恬之一門相仍窮苦如是之甚者也悲夫四年二月二十八日以其叔祖母安康郡太君之葬乃舉恬之喪葬于相州安陽縣新安村先塋東其兄確之墓次葬師所謂穴之外廋也銘曰

父母諸兄皆相繼亡于前二女之幼兮一復夭于後妻
無以守歸其家爾獨于茲瘞其軀何罪而當此罰邪豈
數之適相偶邪天乎冥冥吾安以究

弟試祕書省校書郎跂書

誌文見安陽集對勘皆同惟此石為韓跂所書筆法宗顏
平原而運腕靈雋一化板重之習可謂善自規撫者矣

金石志

錢景初書木蘭辭

方一尺四寸三分二十三行行二十三字
字徑六分正書在光緒東閣外特軍圖

古樂府 木蘭辭

即足何歷歷木蘭當戶織不聞機杼聲但聞女數息問女何
所思問女何所憶女亦無所思女亦無所憶昨夜見軍帖可
汗大點兵軍書十二卷卷卷有爺名阿爺無大兒木蘭無長
兄願爲市鞍馬從此替爺征東市買駿馬西市買鞍韉南市
買轡頭北市買長鞭旦辭爺娘去暮宿黃河邊不聞爺娘喚
女聲但聞黃河流水鳴漣漣旦辭黃河去暮宿黑山頭不聞
爺娘喚女聲但聞燕山胡騎鳴啾啾萬里赴戎機關山度若

飛翔氣傳金析寒光照鐵衣將軍百戰死壯士十年歸歸來
見天子天子坐明堂策勲十二轉木蘭不用尚書郎顧馳千
里足送兒還故鄉爺娘聞女來出迎相扶將小妹聞姊來對
鏡理紅妝小弟聞姊來磨刀霍霍向豬羊開我東閭門坐我
西閭牀脫我戰時袍着我舊衣裳當窻理雲鬢對鏡貼花黃
出門看火伴火伴皆驚忙相隨十二年不知木蘭是女郎雄
兔脚撲握雌兔眼迷離兩兔傍地走安能辨我是雄雌

余舊得古樂府辭道木蘭事最詳然不識蘭何女子也
熙園辛亥九月自中山由蒲水遇其祠甚宏因得謁之
訪求遺刻無有焉獨感蘭懿烈不昭爲之歎息輒錄其

辭寄郭侯使得揭於堂廡來者覽之則蘭之茂行雖歷
千百祀如在今日廟榜曰樂蓋傳疑也辭舊不載名氏
亦從而闕云河南錢景初題

供備庫副使北平軍使兼管內勸農郭寅立石

此辭沈歸愚斷補爲黃梁時人作唐人韋元甫有擬木蘭

詩一篇後人并以此篇爲章作非也按此刻與今通行

本不同者如首句即足何歷歷今本樂府作唧唧復唧

唧又一本作促織何唧唧文苑英華作唧唧何切切但

聞女歎息今本作惟聞旦辭爺娘去今本作朝辭暮宿

黑山頭今本作暮至黑水頭胡騎鳴啾啾今本或作

聲策數十二轉下今本多實賜百十強可汗明所欲二
白願肥千里足今本一作願肥一作願偕明晚出迎相
扶將今本迎作郭小妹聞姊來今本作阿姊聞妹來對
鏡理紅粧今本對鏡作當戶着我舊衣裳今本衣作時
火伴皆驚忙今本忙一作惶相隨十二年今本作同行
雄兔脚撲握今本作撲朔凡十四條多較今本為勝校
勘家之重宋槧本以此也錢景初宋史無名按錢惟演
有孫景臻其從兄曰景謐皆英宗神宗時人景初殆其
兄弟行歟或謂景臻景謐為吳越王之後而景初著籍
河南非是然惟演傳以先塏在洛陽即判河南府改秦

簡軍節度使留為景靈宮使太后崩詔還河南其子孫
或遂為河南人理亦有之也善作看當時已有此俗體

東坡寶成院賞牡丹詩

高四尺七寸廣二尺三寸六分行十四
字字徑三寸五古在院後寶蓮山摩崖

□□□賞牡丹詩

春風小院却來時
驛間唯見使君詩
應問使君何處去
憑君說與春風知
年二歲二何窮
已花似今年人老矣
去年崔護若重來
前度劉郎在千里

熙寧壬子芳春吉旦東坡題

石在寶蓮山摩崖吳山志謂舊名釋迦院吳越王妃仰氏
建宋大中祥符間改今額請波類志謂寺後有東坡牡丹
詩磨崖按王宗稷東坡年譜此詩在熙寧十年丁巳先生

年四十二在密州任四月赴徐州有留別釋迦院牡丹呈
趙倅詩查氏據陳后山詩注西湖游覽志以此詩為在杭
州作不知坡詩宋時刻者皆見咸通本此詩無之王施二家
亦無異辭后山詩亦統言之此好事因寺舊有釋迦之名
而重刻此詩細究字跡迥非真跡而若春吉旦尤非先生
語游覽志亦云明時所刻兩浙金石志

蘇文忠詩集憑花說與春風知此刻作憑君蘇詩蘇氏文忠
手書上石亦一證也兩浙金石志惟見作惟有誤年
歲、作年季歲歲亦非

韓魏公詩刻

高二尺九寸四分廣六尺一寸十九行行十字
字字佳二寸七分正書在安陽韓魏公廟

詩二首

淮南節

□□□□□□□□□□

侍

□□□□□□□□□□

公韓琦

戊申

□□□□

泐不知
幾字

冰井梁摧

□□□□□□□□□□

柱立臺頭

□□□□□□□□□□
□□□□□□□□□□

□□□□□□□□□□

落霞凌綺席

□□□□□□□□□□
□□□□□□□□□□

□□□□□□□□□□
見西山涌

癸丑初登

□□□□
泐不知
幾字

休逸臺高復

□□□□□□□□□□

月喜生顏城

□□□□□□□□□□
柳天外

微分□□□□□且無歸後怨禽□□□□時還欲知
恩許三來幸錦爛輕□白晝閑

碑載在安陽縣志戊申為熙甯元年癸丑為六年志以
休逸臺詩二首為標題非是

九曜石題刻六種

起熙甯六年

朱黻藥洲題字

高九寸餘廣同三行行二字三字左行正書

藥洲

字徑三寸

朱黻元章題

字徑二寸餘

按藥洲題字因與熙甯六年仙掌詩刻同時故不別著年月翁氏朱海嶽年譜定為元祐元年誤以左方時仲等丙寅題名為一時未見仙掌詩刻也攷熙甯八年十月洛溪詩刻云朱黻南宮五年求便養得長沙掾經洛溪是南宮五年以熙甯八年為斷阮志據蕭閑堂記方信孺未公畫像記溫革未帖跋殷令名帖跋馮化帖跋謂元章熙甯八

年以後元祐三年以前在長沙江淮間安有元祐元年復
遊廣南題藥洲之理以次熙甯六年仙掌詩刻後羣疑釋

然金石續編

時仲等題名

高六寸廣六寸四行行四字五字
左行正書在末款藥洲二字之右

時仲公誦積中同遊

字徑一寸二分

元祐丙寅季春初八日題

字徑六分

師節題名

高三寸廣二寸七分二行行二字正
書字徑一寸餘與末款藥洲二字同石

師節屢遊

按時仲公誦積中及師節題名皆不著姓以元祐二年張
升卿題名證之公誦為升卿之字則時仲積中師節皆稱

字而非名也通志孫載字積中崑山人潛研堂金石文跋

攷中吳紀聞積中神宗時除廣東路常平哲宗時諸路常

平官廢通判陝州遷廣東轉運判官通志亦云元祐初此刻稱積

中者載也登治平進士第好汲引士類晚歲以當薦元祐

黨人乞祠歸而宋史不為立傳茲得其題名因表出之元

祐元年歲在丙寅時公謂為轉運使積中為轉運判官時

仲師節侯攷金石續編

右為學署九曜石之一舊在布政司署後園翁覃溪先

生摹刻片石嵌置學署壁間使三題名與各古刻萃一

處非好為翻本也咸豐中葉英夷就撫索布政司衙署

地為領事府乃割其半以界之此石遂陷疆鄉無墨本
可得光緒丙戌領事某市德於制軍昇以歸我令總督
署東軒庭中歸然在焉因搦以補之

詹文舉等題名

高一尺二寸廣一尺六寸八行
行六七字字徑一寸五分行書

武夷詹文舉

毗陵

素太初長樂鄭主仲紹興癸亥季秋孟冬

兩乘晦沐追

員率高蹤載酒以遊相羊竟日飲闌磨崖聊紀

良集

按通志職官表詹公薦崇人靖康中提點刑獄紹興十二

年提舉常平素復一紹興十二年提舉市舶英德碧落洞

題名紹興乙丑毗陵素復一解官舶司詹名公薦字文舉

素名復一字太初名字義合鄉貫亦同即其人也職官表
紹興十二年有轉運副使鄭禹未知即才仲否此題長樂

蓋嶺南人也

金石續編

蘇少連等題名

高三寸五分廣五寸三人左行橫列字
徑八分年月左行二行字徑六分正書

少連夷吾南容

癸酉清明前二日來

筠清館金石記定為紹興二十三年以三人均見於紹

興壬申呂少衛等會飯題名中也

鄔大所度語

高一尺廣四寸五分四行
十一字字徑六七分正書

長樂靈谿之源楚相賴川之裔烏飛于左春藻其旁有宋軋

道歲在丙戌藥洲之濱携筇放逸曜石星羅鏡之以筆

按是刻不著姓名多作度語翁氏金石略孫氏訪碑錄定
為鄔大所書通志職官表鄔大河源人政和時廣州通判
又有鄔大昨者紹興間知昌化軍事又列傳引明戴璟通
志稿鄔大昨字東啟河源人政和二年進士任廣州僉判
選舉表同据此則職官表作鄔大乃仍翁氏孫氏之誤且
誤僉判為通判也以烏飛于左春藻其旁二語合之鄔大
昨為是大昨或其昆弟耳

金石續編

右九曜石題刻合之 先大夫補正所載十六種凡二
十二種按翁氏金石略吳氏筠清館金石目家紹聞先

生金石續編尚有慶元乙卯醫士李元素一刻在池東
石上者獨未之見甚矣搜羅之難也

移後

賈顯建塔記

至佛龕左右三行左二行行字不一字
但寸餘正書在西陽南二十五里楊平村

熙園六年四月八日都維那賈顯發心建塔

熙園七年三月廿八日了畢

移前

漢光武廟祖無擇題名

高一尺八寸廣一尺一寸四分
行八字字徑二寸正書在孟津

祖無擇與姓葛謁拜東漢世祖皇帝陵廟熙園七年春三月

二十六日

北嶽真君祠薛向等題名

高二尺四寸五分廣二尺八寸十五行行十四字字徑一寸四分正書在西陽東十里真君觀

熙寧八年春夏亢旱

天子震念特命師臣虔禱

北嶽五月癸亥行禮丁卯感應一路霑足秋稼滋盛繼有

朝旨恭行謝禮往來皆詣

真君之祠瞻謁而還六月己亥樞密直學士給事中定州路

都總管兼安撫使知定州薛向題前後同行寮佐秘書丞簽

書節度判官公事陳臯太子中舍簽書觀察判官公事李珣

供奉官走馬承受公事陳瑩著作佐郎新權通判保州韋公

佑著作佐郎安撫司勾當公事史祿衛尉寺丞安撫司勾當
公事李元輔門人侯穆姓肩吾男紹彭嗣昌師雄侍行

贈衛尉卿司馬浩墓表

高五尺三寸廣二尺四寸二分十七
行行三十九字字徑一寸餘正書

宋故贈衛尉卿司馬府君墓表

從子端明殿學士兼翰林侍讀學士朝散大夫右諫議大
□□集賢殿修撰提舉西京崇福宮上柱國賜紫金魚袋

光撰

將仕郎試秘書省校書郎知蔡州西平縣事新差監許
州在城清酒務范 正民書

府君諱浩於

太尉公爲從父 其鄉里先世見於

祖墓碣

曾祖諱林

祖諱政

父諱炳皆不仕

府君少治詩以學究舉凡八上終不遇遂絕意不復自進
於有司專以治家爲事爲人魁岸慷慨尚氣義於宗族恩尤
篤司馬氏累世聚居食口衆而田園寡

府君竭力營衣

食以贍之均壹無私孀婦孤兒皆獲其所凡數十年始終無
絲豪怨言家貧

祖墓迫隘尊卑長幼前後積二十九喪

从未之葬

府君履行

祖墓之西相地爲新墓稱家

之有無一旦悉舉而葬之弟子里早孤

府君識其雋異

自幼教督甚嚴其後卒以文學取進士第仕至太常少卿所
至著名迹前此鄉人導涑水以溉田利甚博歲久岸益深峭
水不能復上田日疏薄將不足以輸租

府君帥鄉人言

縣官始請築埭於下流水乃復行田間爲民用至于今賴之
天聖八年四月癸巳終於家年六十三慶曆二年八月癸酉
葬西墓初娶張氏早終生女適解人南公佐公佐舉進士得
同學究出身再娶蘇氏先 府君十年終年五十八生男
宣又娶郭氏無子後 府君十六年終年八十宣用 太

尉公蔭補郢社齋郎累官爲尚書駕部員外郎知梁山軍公
致仕居家駕部君寬厚有守練習法令善爲政吏民不能欺

既升

朝累贈

府君官至衛尉卿

夫人蘇氏

追封長安縣太君駕部君謂古之君子必論譏其先人之美
著諸金石故命先直敘其實以表於 府君之墓道時熙

實八年九月庚辰也

石匠亢遇泉刊字

鄭仲賢詩刻

石高六尺廣二尺八寸詩四行行七字字徑六寸餘篆書
後標題五字跋二行年月一行題名二行字徑一寸內外

不一正書
在溪畔

鄭仲賢詩并篆

額題六字三行
字徑三寸分書

秋風宋漢秋雲輕
候氏山頭月正明
帝子西飛倦
馭遠不知

何處夜吹笙

杜正獻公題

五字在如
字之左

白傳謂劉賓客詩云在在處處常有靈物擁護今見榮陽

之詩筆斯亦近之

二行在題名五字
之下從何字左起

熙寧九年七月十日永慶院主僧□敏立石 潁川張

溫其模刻

此行又在前二行之左照字與今字平

僧文達

庫頭文新

典座文□

二題在其模刻三字之右

張文預等修像記

高連額二尺七寸廣一尺四寸十六行
行三十十字字徑七分正書在曲陽黃山

定武邑衆之記

額橫列六字
字徑

詳夫教列釋喻混同乃為三佛居其一也如妙旨者則暗
通元化秘密微言者則廣諭凡流開張勸善之門解摘執迷
之網欲使衆心歸妙須令像設莊嚴有感無求不應壅情田
而種福游法海而淘殃是以不可思議定武西六十里曲
陽南黃山有寺額曰八會有大佛石像功重累成人仰其功
而可遵焉其山高標允位雨洗煙窓之色下壓松蘿風鼓月
砌之聲在一郡偏為聖境佛之化也於四時則最稱芳辰人

之感也春夏綠波生紅紫於石上秋冬變色落黃白於澗下
都人仕女以遨以遊不啻聽演之緣自得銷憂之所 定州
東門招賢仁仙二坊有善友數人各持願心虔恭詣此求法
化緣近善慮思不及遠惡如聞探湯既逝過去之災湏補未
來之福但以一毛可扶先求信義之心百足不僵湏賴扶持
之力既難獨辦固託衆緣無悞已財必增洪福謹記

元豐元年歲次戊午七月癸酉朔十五日丁亥建

都維那頭張文預 邑長程信 孫昭永 宋密 邑衆

郝珪 許士安 戴禧 史仲 王世隆 李琮

李資 劉珪 劉慶 張立 鄭寶 劉貴 李吉

馬從化 劉式 蔡興 榮脩 劉昭亮 張全 趙

泉 都維 鄭家眷 父張延永 母齊氏 男文靖

文預 新婦劉氏 徐氏 孫男 張瑾妻宋氏 次

孫小二哥 賽哥 山漢 石柱 孫女小大姐 小

二姐 小三姐 小四姐 五娘 重孫 鐵柱

東閣劉璋 中山李獲撰并書 曲陽石玉刊

韓忠獻公祠堂記

高六尺一寸廣三尺二寸二十三行
行四十九字字徑一寸正書在定州

魏國韓忠獻公祠堂記

篆額九字
徑一寸分

魏國韓忠獻公祠堂記

潁州團練推官將仕郎試秘書省校書郎知太平州繁昌

縣事充定州州學教授郭時亮撰

將仕郎守將作監主簿新差監瀛州倉草場滕中書并篆

額

元豐元年十月潁川

韓公自并門拜

命以建雄之

節來鎮中山公至行政愷悌臨事果斷寬猛適中民愛且畏

而相與語曰我公之於政疾惡好善大槩似 魏忠獻公

也魏公亦韓姓也惟我中山之民思魏公之深而欲爲之堂
宇像其容貌四時祭享以厭吾思也久矣每惟官府之弗與
故不敢爲之今觀我公之所存有似魏公又況乎姓氏之同
是豈不愛魏公之爲人而欲見其歸歸也吾儕雖卑亦當告
其所志宜若我公與之也乃屬其士子之在學者願見我公
而請焉既而公果臨學奠謁

先聖先師士子因得序進于前乃請于公曰昔魏公之守中
山凡五年矣方其下車卒伍之衆玩習偷惰前爲郡者徒務
姑息至□驕悍恬不以約束號令爲意其間往往構爲姦宄

搖惑黨類居民震恐日不遑甯魏公皆按以法繇是姦黨喪魄莫敢動氣民始能以相保繼而境內飢饉河水決溢須隄防材用而又大農每歲出金幣使民均售有司拘文責辦而不以飢饉爲恤衆方患其無備而復有流離之虞于□魏公開倉廩賑乏絕因獻策于

朝請自中山以北皆爲邊防

州郡願罷去一切科調使藏於百姓以待緩急

朝廷從

之而此邦之人遂大和會乃訓練卒伍勸課農桑兵強民富政尚寬簡則又建立學校誘誨其爲士者自彼時至今民得安堵而蒙被

朝廷之惠澤又得教其子弟而學先王之

道者皆魏公之力也願爲堂宇像其容顏四時祭享以厭其

思公喟然歎曰德之在人有至於此吾聞善爲政者上以稟
君之令而不敢慢下以從民之欲而不敢拂今民誠思魏公
而所欲如此況在教令之不禁其聽爾爲之衆聞之喜曰信
乎我公之愷悌也乃聚材鳩工未幾堂成像立公謂時亮曰
宜有以記斯民之志也時亮辭不獲命蓋聞之昔召伯茨于
甘棠之下羊公懸于峴山之上及其往也民思其人則有愛
甘棠而戒以勿伐即峴山而因以立廟彼誠有以格民之心
而使之久而不忘也若詩人之美史氏之褒豈欺我哉矧魏
公弼亮之勲無替於古人語其大則定策推

聖光紹

帝緒語其小則鎮撫方國勤施猷訓其嚴於祭享則

有

英宗廟廷之配侑其銘於金石則有

上主聖作之淵懿若乃斯民之思慕它人之稱述豈足以明
魏公之善也然民服道化而能不忘舊德則不可以不書也
愚於是喜斯民之信厚而樂潁川韓公之不啻其民也如此
故取其民所請之書而詳記之元豐三年正月十九日建

建雄軍節度晉州管內觀察處置等使特進檢校太傅使
持節晉州諸軍事行晉州刺史兼御史大夫充定州路安
撫使兼提舉本路水利事兼馬步軍都總管兼知定州軍
州事及管內勸農使上柱國南陽郡開國公食邑九千戶

食實封貳阡玖伯戶韓絳

寶教院重修相公堂記并陰

高四尺五寸四分廣二尺九寸二十七行行四十四字字徑一寸正書在滿城西十四里抱陽山定慧寺

重修相公堂記

篆額六字字徑一寸

初四 抱陽□□教院重修 初

幾字 □□差監瀛州倉草場滕中書并篆額

保塞之西五十里有山南拱□□陽山之寺曰寶教圖經謂之定慧圖經從古也舊記所傳其寺起於隋開皇之間寺有堂曰相公堂相公者唐之張燕公也燕公諱說開元之賢相布衣時韓業於此山今寺之東巖書院乃其所也院有石室三南而下者曰五經堂上者曰進士堂北而又上者其

名不傳石室與山同生皆非人力之所爲
燕公貴念平生
爲學之所依思有以傳其迹重其報遂自山足疊石爲岸以
廣寺地就山鵲室工製精妙龕像有殿
貯泉有池堂厨廊廡
細翔軒豁寺之上壘石構宇發泉引流以爲上方寺之下壘
七曲石磴以便登降由山兩翼引而合之中起三門內列堂
宇書院之上因山南北鑿廊百步石廊之下又得三泉皆鵲
石堂以蓄之石廊之東別構一堂造白石像以爲堂之莊嚴
儀相之美宛然如動醜刻之妙瑩爾無蹟時人德
公思欲
日夕奉之乃塑
公之真於此堂因號曰
相公堂此堂名
之所由得也由
燕公之後距
吾宋之景德燕趙

之民日事兵賦寺之堂殿廊廡頽先不脩廣者日隘崇者日卑昔之壯麗僅存遺迹山前之三門堂宇但舊址而已雖五代之瀛王馮道嘗學於此山以取富貴偶時版蕩六無暇繼燕公之迹景德後戎狄納款邊安俗阜左領軍衛將軍邢公得以致興復之功寺之殿廡堂厨繪塑龕像一一增而新之燕公興於前領軍繼於後寥寥三百餘年功之隆者獨此二公而已奉其教遊其地者無不想望二公而加欽慕熙寧三年領軍殂謝自是歷歲霖霖而相公堂者棟撓不支鄉中好事者會而議曰是寺之盛起於燕公而是堂者燕公之堂乃興寺之根本今根本壞廢尚可忘而

不脩則恐枝葉者從而顛矣鄉人宿有定議以邢領軍之恩教深被於人嘗欲建祠以事之而束於

朝廷之著令今指實教以議功則邢公之力可以紹燕公之美堂之成則二公之真宜乎對設而使人人皆得以尊事則爲善者無不知勸矣於是材不率而至功不脣而集仍遷其堂於石廊之南以避北嶺風雨之地不踰時而堂成像之左楹燕公也右楹領軍也燕公之忠勲德業具於唐史此不復叙領軍之事得以言其略領軍諱化基字宗本保塞人也少孤事母至孝長而慷慨好赴人之急能談漢唐五代事鄉人爭曲直詣公求辨公析理遣之無不順

教至有昆弟姻戚成間隙者 公責教以孝義皆服而改焉
歲歉盜掠人財又執數人將殺之 公還自它里而遇焉
乃責其盜而又許之以周急盜素畏服慚而解縱終六無追
其迹者奉釋氏甚謹大會緇徒讀藏經皆以百數放羽毛鱗
介之命踰六十萬用予蔭□官壽七十八歲雖晚年視聽齒
髮如少時豈非爲善之効歟夫人起功建事患力屈而不成
成者患時遷而不繼繼者患湮沒而不傳是寺也 燕公成
於昔 領軍繼於今備是堂立是石者又欲傳於無窮雖百
世之後必有同志則斯堂也與山同其存亡且彰往所以勸
來表善所以警惡來者知勸而惡者知警此所以宜爲記也

此碑係李公題
以志其功德

元豐三年歲次庚申二月乙未朔十日甲辰鄉貢進士張緯
記

都維那本州助教安燾維那張允郭仲儀曹基賈澤李敏
功德主僧繼實同立石

碑陰

高廣與正碑同上截記二十六行行九字字徑一寸
下截題名三十二行行字不一字徑八分均正書

相公堂碑陰題名之記

題題三行行
三字正書

相公堂碑陰題名記

□非□□於獨見則莫□與衆與衆者天下之公言也善而
譽惡而毀人道之不能免其所以聲聞之來必在名實之際

表裏混茫而爲一名者實之載所以行天下實者名之源所以澄一身一身不有求於外而外自應者以無心而感萬物也物不鼓作牽制而能自至者中心悅而誠服也燕公興寺之□領軍繼脩之功原□□□之心皆出於自得固非有求於物鄉人新□□□其真而紀美於石又非鼓作牽制而至此以無心彼以誠服所謂名實混茫而爲一然而唱者□人而和者千百可謂衆矣鄉人嚮慕乎善可謂善人之徒故其來□□□於石記

此後闕

右上方載

都維那本州助教安燾張允郭仲儀曹基賈澤李宗敏維那

本州助教仇中立廣信軍助教苑陟前梓州司戶叅軍李正
臣助教李惟應王仲坂牛師道助教李珪賈中庸張益助教
張詠舟化張湜吳几齊應孫德李中庸張慶鄭正田應劉宣
郎薦韓樂杜中立李亨楊授李景王慶司徒張慶段鐸李信
宋銓張應宋古李信李素楊式焦公謹董德段安苑宣張均
張演楊祚助教張景王良臣順安軍市丘王庾蓋琛李簡臧
錫臧延齡右班殿直閤門舍人監北岳廟臧景進士宋遺進
士陳儀進士王完進士張復進士吳造本州機宜司都知兵
馬使韓已教練使劉敏押司官郝翹前都院守機宜管勾後
城賈定衙司教練使李昔知客押衙索青通引官宋勻使院

都孔目官吳甫副孔目官王式孔目官魏堅孔目官吳廉孔
目官邢通押司官李智押司官張忍押司官邢質押司官史
應本州真覺寺長老僧海信講經論僧海仙僧海從僧海隆
僧海永僧海覺僧海全管内僧正純瓊寺主僧純清永園院
長老僧歸因前僧正講經論賜紫僧惠需前副正講經論賜
紫僧惠璫僧惠律管内副正僧惠金僧惠景僧惠和應奉表
白惠鑒僧惠亮鴻福院講經論傳大乘戒賜紫僧重白前僧
正講經論賜紫僧雲起僧德清講經論僧紹俊講經論僧紹
瑞僧紹泰講經論僧德臻闍梨僧明德僧文顯講經論僧文
才管内僧判義用講經論僧雲浦講經論僧義昇講經論僧

德慶崇嚴院長老僧法琛院主僧法賢講經論僧法□僧定
欽僧法照講經論僧法化奉祇院長老僧義化講經論僧義
深講經論僧義果謁山□聖寺長老僧紹文僧德果僧法戒
魏村壽聖寺僧德恭僧有權僧法德武安村崇觀寺主僧純
錄溫仁村壽聖寺主僧方真南臨水村壽聖寺主僧雲興本
院主僧繼元僧繼果僧繼□僧繼喜僧福海僧紹誠僧紹潛
僧澄詰僧智廣西頭供奉官王昭亮右班殿直史用前進士
胡僅進士楊授親居寔袁明抱陽村張元張清王白張峭王
讚王清李則王又楊德顧從顧永趙景李本李順張智劉澄
弓德許和王瞻王辰王佑劉德劉一田千子口村劉貴郝方

李保村都維那安燾長男端次男靖小男竦田道劉順馮新
趙習劉遵崔勛李恭劉仙謝方劉進李澄苑煥石方馮用韓
則韓宣韓倩□倩李永王化劉遵張恭盧羨李用李元孫瓊
孫一賈村任畢任秀劉遇□宣孫仙劉江王贍田綱張則賈
真賈倩賈德張秀張貴邢鑾邢錫馮用崔玘崔賢崔澄王演
□仙崔京孫晟孫寬安吉安興安全孫盧沈佶任仙袁定李
素張智馮□王□孫青東魚河村□元李友梁瞻梁倩梁秀
王志李宗蔡倩何真李倩田定□□□安□□□王化王德
王昔李德胡政張平胡思胡倩張化邢化□千楊德曹辛曹
遵素金袁榮受□村田系田巳李□李順孫友張玉崔义王

式王緒李宣李定李己孟瓊孟進蕭敏許倩楊景張澄王□
王龍張吉蕭一盧評張繼韓信王習劉化韓習兩王村前監
龍泉鎮侍禁劉化陶秀陶素陶遇陶質陶□劉求劉全董用
范清王志崔慶魏慶韓□王千趙律王澄王宣張德田慶韓
□□化范□□院□孫恕馬牧馬□馬用張皓李倩李杲劉
率安園李□劉興素信王勅王祐□□□賈演韓澄張□
陳顯陳慶□□邢良邢仙南劉□□慶葛□□□萬韓□
韓□□宣閔倫閔□王青王□石□□□陳萬劉素陳倩李

順李□

下

上

孫秀賈宣

下

五嶽廟記

高四尺四寸四分
廣三尺二寸四分
深一尺二寸四分
外五嶽廟

五嶽廟記

主簿武騎尉劉 郭文

陰陽潛德匪求爲聞人則天壽坤祺閭然而饗也隱隱姦謀
幸而未覈輒其罪則風霆鬼神可得而殲也故鵲符機婦神
崗雷篆炳_臨觀聽豈曰小補于世哉然則周詩寫徽刺麟經
書褒譏神明降禍福交相表裏助

天子之賞刑然後善惡情偽雖芒纖眇忽莫得而遁也五嶽
見于詩書及史稱淪陷于蠻狄而呂別山代祀者詳矣至大

敏此獲民之方也
雖瘠土疲俗樂輸
安堵又能

雄老子閭巫耆舊之說則詭妄妖誕弗可攷據岱宗不崇朝
而雨天下而去司按冥獄華陰壤朽推裂延袤壓渭而去神
蟒怒覆甚矣民之好怪也春秋重皮禾爲君民尤所賴者元
豐六載迺自三月不雨至于六月慶都邑據要衝桑麻萬井
鷄冠汚俗艱得治聲

魚侯仲脩霜臺參冠詞林翰苑慶闕華冒紹箕襲表呂宣德
郎來莅先是沒濬隊酋役號脂韋弊穴旁午一旦闕籍手定
衆議歡然嘉嘆平允其風力才刃皆此類也威而有恕此馭
吏之術也故老姦宿賊號魄沮氣簡而能憫雨而禱于廟謀
于衆食曰與其勞于遠曷若求于近與其散而禱曷若類而

祭故未踰決爲之告足此邪所親覩案舊記熙寧改元地震
繼之大水民懼而建祠夫政之善神之靈有功于民者在聖
賢之法皆可書也其勝槩佳趣則西溪菡萏藏瀟湘之夢思
北平翠微入吳越之吟想幽亭矮橋柳堤花塢暝煙霽虹霜
郊殘照浴鷁湧沒馴鷺翥翹真所謂仙遊物外有卜隱忘歸
者矣其締構繕完則嚴而不幾于華壯而不逼諸陋上弗援
于公帑下靡墮于民力節居中制歸然一新簷楹鳳騰廡直
雲矗道宮引愧梵剎輶輝蓋歸歸畫圖神造者矣民有系而
歌曰

騎虬妖魅跼姦蹤吾父

民謂令曰父

雲禱精誠通叱屏翳兮鞭穹

隆霈卿雲兮雨濛濛轟然狂電襲隣封九穀稂角殫蟻蠹盜
越境兮園扉空病者揭履矐者充公遜仁政歸神功拊齒卓
魯謠仁風刊翠_文兮流無窮

三班借職權望都縣巡檢崔遇立石

三班奉職定州望都縣尉裴珪

宣德郎□□□望都縣事兼兵馬監押魚端夫

元豐□年十二月□一日太原郝洪書

中山石玉刊

劉郭撰郝洪

_{碑作洪}

正書元豐六年立

_{金京歲石考}

謹案劉郭官慶都主簿文敘縣令魚仲脩禱雨靈應事

_錄

碑末年數已泐金石考作六年從之記云慶都邑據要
衡按望都本漢縣厯代因之至金始改名慶都漢志引
帝王世紀曰堯封唐堯山在北南有望都山即堯母慶
都縣又居張晏云堯山在北堯母慶都山在南登堯山
見都山故以為名是慶都即望都之別名非當時已以
慶都名縣也通志跋云劉郭官慶都主簿似混